

Vjerujemo da ste pregledavajući internetsku stranicu Zavoda pronašli mnogo korisnih informacija.

Također preporučujemo da pretražite Najčešća pitanja.

Ukoliko ni tu niste pronašli ono što vas zanima ili su vam se otvorila nova pitanja možete ih postaviti na [info@fzmiopio.ba](mailto:info@fzmiopio.ba)

### **1. Ima li pravo na penziju osoba koja je navršila 70 godina života i ima 12 godina staža?**

Osoba koja je navršila 70 godina života i 12 godina radnog staža nema uslove za ostvarivanje prava na starosnu penziju, skladno članku 30. Zakona o penzijskom i invalidskom osiguranju koji glasi: „Osiguranik stiče pravo na starosnu penziju kad navrši 65 godina života i najmanje 20 godina penzijskog staža“, s tim da su oba uslova ispunjena istovremeno.

### **2. Penziju sam stekao na osnovi navršenih 65 godina života i 37 godina radnog staža. Imam li pravo zasnovati radni odnos i koliko bi se od moje plaće izdvajalo za doprinose?**

Budući da ste ostvarili penziju sa 65 godina života, skladno članku 114. Zakona o penzijskom i invalidskom osiguranju, možete istodobno koristiti penziju i zasnovati radni odnos, odnosno biti

u obveznom osiguranju.

Stopa doprinosa za penzijsko i invalidsko osiguranje iznosi 17% na plaću ( pojam plaće regulisan je člankom 6., 7. i 8. Zakona o doprinosima).

### **3. Pod kojim uslovima je moguće podizanje penzije putem punomoći?**

Korisnici penzija FZ PIO svoju penziju mogu podizati lično ili putem opunomoćene osobe.

U slučaju isplate putem punomoći, korisnik je oabvezan potpisati punomoć kod mjerodavnog tijela (općina) kojom ovlašćuje drugu osobu da može u njezino ime podizati penzije i uputnice kod isplatitelja (pošte,banke).

Opunomoćena osoba obvezna je, s navedenom punomoći, obratiti se mjerodavnoj kantonalnoj službi Federalnog zavoda za PIO radi potpisivanja dodatnih obrazaca („zahtjev za isplatu putem punomoći“ i „izjava“).

Napominjemo da se punomoć mora obnavljati svakih 6 mjeseci, jer će u suprotnom isplata penzija biti obustavljena.